

# Laman Membaca Permata Hati, Hub Transformasi Minda Komuniti, SMK Ranche-Ranche



**Labuan , 13 Ogos** – Pusat Sumber DSDN SMK Ranche-Ranche telah mengadakan perasmian laman bacaan Permata Hati pada 9 ogos yang lalu.

Ruang bacaan yang dinamakan sebagai Permata Hati ini merupakan ruang bacaan kanak-kanak yang berumur antara 4 hingga 10 tahun. Ruang bacaan ini adalah perkhidmatan istimewa yang diberikan kepada ahli komuniti pusat sumber di sekolah SMK Ranche-Ranche.

Perasmian laman bacaan Permata Hati di Pusat Sumber DSDN telah dilakukan oleh penaung Pusat Sumber Sekolah berkenaan iaitu Datin Dato' Sri Hajah Norsiah binti Abdullah.

Turut menyaksikan perasmian majlis itu ialah Ketua Sektor Pengurusan Pembangunan Kemanusiaan Jabatan Pendidikan W.P Labuan iaitu Encik Asbolah bin Amit, Pengerusi Labuan Society Encik Wan Abdul Rahim bin Wan Abd Rahman , Encik Yahya bin Ahmad Puteh Pengetua SMK Ranche-Ranche serta barisan penolong kanan pentadbiran sekolah tersebut.



Pusat Sumber DSDN SMK Ranche-Ranche memberi kemudahan yang bertaraf perpustakaan awam di Malaysia Sewaktu membuat penanda perasmian , penaung Pusat Sumber DSDN SMK Ranche-Ranche menyatakan bahawa ruang yang diadakan tersebut mampu menarik lebih ramai lagi pengunjung ke PSS DSDN SMK Ranche-Ranche.

Dengan adanya pelbagai kemudahan dan ruang yang menarik, beliau yakin Pusat Sumber Sekolah DSDN mampu menjadi pusat tranformasi minda kepada komuniti terdekat seperti penduduk Kampung Sungai Lada, Sungai Labu, Sungai Miri, Sungai Pagar dan Sungai Bedaun.

Encik Sapri bin idris selaku Ikon Guru Perpustakaan dan Media W.P Labuan dan GPM sekolah berkenaan menyatakan,

laman membaca Permata Hati diwujudkan adalah untuk menjadikan Pusat Sumber DSDN SMK Ranche-Ranche hub membaca dalam kalangan komuniti setempat.

Tambah beliau lagi, dengan adanya laman sedemikian maka ahli komuniti yang terdiri daripada kanak-kanak akan mengenali PSS DSDN SMK Ranche-Ranche sekaligus menjadikan sekolah tersebut sebagai buah hati para ibu bapa dalam membudayakan amalan membaca yang seharusnya dipupuk sejak dari kecil lagi.



GPM SMK Ranche-Ranche En Sapri (kiri) bergambar bersama tetamu perasmis yang hadir

Menurut Pengetua sekolah SMK Ranche-Ranche, Encik Yahya bin Ahmad Puteh menegaskan SMK Ranche-Ranche sebagai sekolah komuniti, seharusnya mempunyai alternatif dalam menarik ahli komuniti datang ke sekolah. Ahli komuniti setempat boleh menyumbang idea, wang ringgit dan tenaga dalam membangunkan sekolah secara kolektif.

Hubungan yang erat antara warga sekolah bersama komuniti setempat sudah pastinya akan memberi impak yang baik

khususnya dalam perkembangan pendidikan anak-anak kampung di Wilayah Persekutuan Labuan.



Encik Yahya ketika membuat ucapan alu-aluan kepada para tetamu yang hadir

Kanak-kanak yang telah menjadi ahli komuniti Pusat Sumber DSDN SMK Ranca-Ranca, boleh meminjam bahan bacaan yang disediakan pada setiap hari Sabtu dari jam 8.00 pagi hingga 1 tengahari. Ibu bapa boleh menemani anak-anak mereka ketika di pusat sumber sekolah .

Perkhidmatan tambahan di Pusat Sumber DSDN SMK Ranca-Ranca ini telah dibiayai oleh penaung PSS iaitu Datin Dato' Sri Hajah Norsiah binti Abdullah dengan menyediakan khidmat pegawai perpustakaan untuk menjaga dan menguruskan PSS setiap hari Sabtu.

**Berita Oleh : SMK Ranca-Ranca**





Laman membaca Permata Hati pengikat kasih sayang antara anak-anak dengan ibu bapa